

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 30.12.2022թ. թիվ 2215718555, 2215718565, 2215718536 և 2215718588 որոշումներն անփոփոխ, իսկ վարչական բողոքն առանց բավարարման թողնելու մասին

<<17>> 03 2023թ. 7-13 - 2449

ք.Երևան

Ճանապարհային ոստիկանության պետի պարտականությունները կատարող, ոստիկանության գնդապետ Ն.Սարգսյանս, վերանայելով Արմեն Դավթյանի ՄԴ/11775-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Աջափնյակ վարչական շրջանի Նորաշեն թաղամասի 39 շենքի 100 բնակարանի բնակիչ Արմեն Դավթյանը դիմումով խնդրել է բեկանել վարչական տույժ նշանակելու մասին 30.12.2022թ. թիվ 2215718555, 2215718565, 2215718536 և 2215718588 որոշումները՝ նշելով, որ հիվանդ է տեղափոխել հիվանդանոց:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտերը բեկանելու հիմք հանդիսանալ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները:

Վիճարկվող որոշումների հիմքում դրված տեսանյութերի և լուսանկարների վերլուծության արդյունքում հիմնավորվել է, որ ամրագրված արարքների հատկանիշների և իրավախախտման հատկանիշների համապատասխանությունները կասկած չեն հարուցում, հետևաբար դիմումատուին վարչական պատասխանատվության ենթարկելու մասին վերը նշված որոշումներն իրավաչափ են և օրինական:

Ինչ վերաբերվում է դիմումատուի պնդմանը՝ հիվանդանոց հիվանդ տեղափոխելու վերաբերյալ, ապա <<Աստղիկ>> բժշկական կենտրոնի կողմից տրամադրված համապատասխան բժշկական փաստաթղթերի համաձայն, 1982թ. ծնված Վարդուհի Սամվելի Պետրոսյանը 17.12.2022թ. ժամը 11⁰⁰-ին ընդունվել է նշված հիվանդանոց՝ հղիության 37 շաբաթ, ախտորոշմամբ և նույն օրը ծննդաբերել:

Վարչական իրավախախտումների վերաբերյալ << օրենսգրքի 17-րդ հոդվածի համաձայն՝ վարչական պատասխանատվության ենթակա չէ այն անձը, որը թեև սույն

օրենսգրքով կամ վարչական իրավախախտումների համար վարչական պատասխանատվություն սահմանող այլ նորմատիվ ակտերով նախատեսված գործողություն է կատարել, սակայն գործել է ծայրահեղ անհրաժեշտության վիճակում, այսինքն՝ մի այնպիսի վրանգ վերացնելու համար, որը սպառնացել է պետական կամ հասարակական կարգին, սոցիալիստական սեփականությանը, քաղաքացիների իրավունքներին ու ազատություններին, կառավարման սահմանված կարգին, եթե այդ վրանգը տվյալ հանգամանքներում չէր կարելի վերացնել այլ միջոցներով և եթե հասցված վնասը կանխված վնասի համեմատությամբ ավելի նվազ կարևորություն ունի: Ըստ նույն օրենսգրքի 252-րդ հոդվածի՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Վարչական վարույթի ընթացքում չի հիմնավորվել վիճարկվող որոշումներով արձանագրված իրավախախտումները ծայրահեղ անհրաժեշտության վիճակում կատարելու հանգամանքը՝ անբավարար փաստական ապացույցների պատճառով, մասնավորապես՝ դիմումատու Արմեն Դավթյանի կողմից <<PORSCHЕ>> մակնիշի 01 YV 050 հաշվառման համարանիշի ավտոմոբիլով Վարդուհի Պետրոսյանին <<Աստղիկ>> բժշկական կենտրոն տեղափոխելու փաստը:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 30.12.2022թ. թիվ 2215718555, 2215718565, 2215718536 և 2215718588 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արմեն Դավթյանին:



Ն. Սարգսյան